

DEO OPTIMO, MAX.

UNI ET TRINO,

VIRGINI DEIPARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,

manè discutienda, in Scholis Medicorum, die Jovis  
vigesimo-octavo Februarii, 1726.

M. JACOBO-ANTONIO MILLET,

Doctore Medico, Præside.

An Kina-Kina hystericiis ?

I.



X QUO morborum terris incubuit cohors, fecit humani generis calamitas, ut & explorarentur insensibilis vitæ hostes, & ad compescendos eorum furores arma quaererentur. Hinc homines ceteris humanioribus Medicinam, rudem quidem illam, at non semper insalutarem primum fecerunt. Hos exceperunt peritiores Medici, qui posteris reliquerunt, unde Medicina in scientiam adolesceret, artisque præcepta concinnarentur. Legem hanc demum sibi dixerunt viri pro temporum conditione docti, ut ex signis morbos intelligerent, ex morbis morborum eruerent causas, ex utrisque sumptis indicationibus conquirerent remedia, quibus utrumque malum quam opportunissimè profligaretur. Nos majorum sequimur methodum; in hoc feliciores, quod & morborum causæ à penitioris anatomis recessibus petita nobis innotescant magis, & remedium suppellex nobis uberius præstantiorque suppetat. Cave tamen credas morbis morborumve causis Medici curam deberi totam integramque reservari. Sunt signa, quæ vocantur symptomata, quibus nonnunquam abigendis, ni prius admoveas manum quam morbum aggrediaris, incassum cedit labor. Quod cum in morbis compluribus, tum præsertim in passione hysterica, feminis in hypocondriacâ autem viris adeo familiari, sæpius est experiri. Morbus hic *ὑστερικὴ πῖσις* sive *ὑστερικὸν πάθος* Græcis audiebat, quod crederet præca mortalium simplicitas ab affectione importunissimâ nunc utero suffocationem importari, nunc ab utero in alias partes transferri. Nec defuerunt qui putarent uterum ipsum, mutatâ sede, sursum ferri dilatandisque pulmonum vesiculis pertinaciter obflare. Verum uteri situs, firmior textura, partiumque quibus adhæret, robur & renitentia satis superque declarant errorem hanc in re veterum non ex alio quam ex ignoratâ anatomis fonte profectum fuisse. Morbum hystericum, si durationem spectes, perlongum appellaveris; si seviciam consideres, atrocissimum dixeris; si mutabilitatem attendas, Proteum nominaveris.

Causa mali tam aliquando latet; quam Nili fontem latuisse scriptores prodiderunt. Huic tam multiplici, tam crudeli tamque pertinaci malo succurrere penes Medicinam est.

## II.



**I**N CASSUM speres fumum tollere, nisi prius ignem extinxeris. Mutato nomine de morbis narratur fabula. Nam frustra morbum debellare teneris nisi prius morbi causam sic impugnes, ut impugnando expugnes. Morborum causas qui plures statuerunt, his ignoscimus, dum ignoscant nobis quod statuamus pauciores. Morborum igitur causas in antecedentes & conjunctas, sive in remotas & proximas cum oculatissimis rerum Medicarum arbitris distinguimus. Causæ morbi hysterici remotæ sunt vel textura corporis delicatior, vel morbositas, vel otium, vel victus uberior, vel timor, vel mentis fluxus à quavis ratione, imminutum suppressumve profluvium &c. Causas proximas si paulo perpenderis attentius, mirum dictu quam hallucinentur fermentationis affectu, qui ponunt à solâ fermentatione proximam affectionis hysterice causam esse repetendam. Egregii scilicet naturæ interpretes fermentationis ope nihil non enucleant, obiciuntque omnibus ferè omnium difficultatum telis, quasi Palladis ægida, fermentationem. Verum obsolevit apud diligentissimos rerum scrutatores fermentatio, ex quo compertum est solida fluidis imperare, nec nisi ex solidorum vitio labem in fluida derivari. Ne quis tamen sibi fingat nos hic velle quidquam esse fluidorum potestati detractum; nôrit ille nos, quemadmodum fluidis olim plus æquo tribuimus; sic nunc solidis & tribuere suum, nec fluidis detrachere. In corporis igitur partibus solidis primam præcipuamque hysterici morbi causam regnare statuimus. Primam ac præcipuam dicimus, quod causa mali proxima in succos etiam tractu temporis transferatur, solidis dein partibus cum febre reddenda, & in suum fontem jugiter refluxura. At, inquit, solida cum sint inter se multum discrepantia, multumque diversæ naturæ, internoscis in quibus potissimum hæret causa morbi conjuncta? In nervis, qui funicularum suorum propaginibus in totum corpus diffusi, passim diffundunt malum, quemadmodum ipsi late passimque diffunduntur. Spasmos enim ineunt nervi & quoquo versum circumferunt: à spasmi verò sanguinis mora, lentor, sanguis, in succum nervæum reditura oriuntur; unde nervorum spasmi in dies intenduntur. Hinc Medicastris Agyrtisque quam facillimè imponunt cephalalgia, dyspnæa, hypocondriorum tensio, lachrymæ non voluntatis sed morbi imperio elicitæ, cachinnus, insomnia, strangulatio, sine manifestâ causâ; nimirum tot formas induit morbus hystericus, quot artis Medicæ parum gnarus, in diversos discrepantesque morbos putet esse refundendas. Nemo profectò non dixerit, hujus morbi causam esse quam inericatissimam; nullus hominum est, qui negaverit, morbum ipsum esse quam fallacissimum curatuque difficillimum. At Medicina illa, cujus beneficio non nisi Medici apud nonnullas gentes olim regnarunt, morbi hysterici causas sic tollit, ut nisi temporis diuturnitate inveteraverint, Medicamentorum viribus obrute profus evanescant. Medicamenta cum alia sunt huic morbo ejusque causis feliciter adhiberi solita; tùm in partes suas vocandus cortex Peruvianus, quem *Kinam-Kinam* appellamus.

## III.



**M**ORBUM hystericum, si quidem nunc totum infestat corpus, nunc partem corporis hanc illamve obsidet, idcirco facilius describeris quam definieris. Hujus effectus si numerando perlustras, si symptomata perpendas, si signa propius introspicias; quot signa, quot symptomata repetas, totidem ferè morbis æquiparari posse judicaveris. Nulla pars est corporis, in qua symptomata passionis hysterice morbum non simulent alienum, dum dissimulant suum: mentiuntur enim calculum, dum contractis diabetem quadatenus, dum irritatis renem & vesicæ fibris; urina nunc profluit uberius, nunc quasi compedibus vincita hæret & remoratur. In renibus nephritidem æmulantur. In intestinis præsertimque colo borborygmis, tensione, torminibus deserviunt.

Alvum nunc sistunt; nunc cient. Hypochondria lancinzado distendunt. Flatus generant, qui teneram intestinorum compagem cum sonitu permeantes sic tumefaciunt, ut disruptionis periculum impendere videatur. Ventriculus ad eam expandunt molem, quæ & peristaltico intestinorum motui, unde dyspepsia, officit; & alternis diaphragmatis succussibus, unde dyspnæa, fræna perperam injicit. Huc etiam ructus acidi, nausæ, pandiculationes, singultus, lipothymia, vomitus accedunt. In thorace à contractis musculis, suffocatio; à convulso corde, cordis palpitatio; ab ascendente quasi globo, continuato ab inferiore ventre nervorum spasmo audiunt. In capite vertiginem, insomnia, cephalalgiam imitantur, clavumque figunt hystericum. Oculos interdum invertunt, interdum in lachrymas solvunt. Auribus tinnitum, genis pallorem & ruborem inferunt. In ore, odontalgia larvam induunt, salivam movent justo copiosiore, convulsisque labiorum musculis risum exprimunt, aut faciem horrendum distorquent. Arrus interim suos patiuntur manes; spasmodicè concuriuntur. Est ubi violenter & inverecundè jactantur, tanquam epilepticis insultibus aut repentino furoris impetu correpti. Est etiam ubi miseræ mulieres immobiles jacent, demortuis haud abfimiles. Nec semper abest febris modò remissior, modò iurensior, nonnumquam & periodica. Nec corporis culpam non luit animus qui trahit à corpore, unde pariter agrotet. His malis mederi vis? Armamentarium Medicum scrutare. Ibi reperies inter quàmplurima rei bene gerendæ præsidia Kinam-Kinam, quæ debellandis atrocissimis symptomatibus symbolum conferet suum, nec non utilem operam efficacemque præstabit.

## IV.



IN A-KINÆ nomine corticem intelligimus arboris cujusdam Americanæ, vel Hispanorum incuria, vel aliorum hominum ignorantia nobis incognita, nondumque descripta. Crescit æstatim hæc arbor in Mexicâ & Peruvia. Cortex, præsertim ubi consenuit, colore subritus, tactu non nihil asper & inæqualis, gustu amarus ac subausternus, odore suavis, ut aromatici quid subesse non falsò suspiceris. Qui Kinæ-Kinæ naturam analysi Chymicâ voluerunt explorare curiosius, si nihil aliud ex igne, quàm fumum extricarunt, hoc est destructâ penè corticis vi medendi specificâ, sal, sulphur, aquam & terram, impensè laboris mercedem, sibi tantum superesse compererunt. Quæ principia cum è cæteris vegetabilibus corporibus pariter erui possint, non abs re feceris, si pronunciaris corporum vegetabilium efficaciam non in parres, ut aiunt, essentielles, sed ad partes quibus constant, integrantes potissimum esse referendas. Chymia nimirum aut naturam mixti mutando pervertit, aut *insipuat* torquendo exolvit. Kinæ-Kinæ virtutes si conjecturâ volueris assequi, ex sapore colliges corticem hunc stomacho robur, vum nervis, musculis tonum addere; cum, linguâ judice, terrestribus, aromaticis, astringentibus & corroborantibus moleculis abundare deprehendatur. Ex odore autem intelliges salis volatilis sulphurisque tenuissimi copiam eamque non exiguam, in remedio, si quod est, præstantissimo delitescere; unde dividendo, comminuendo circumpellendoque sanguini quantum conferat, existima. Hinc Febribus, præsertim vero intermittentibus, ab inspissato sanguine, sive propter prægressam dyspepsiam, sive quâvis aliâ de causâ oriundis quàm mirè opituletur, omnibus & lippis notum & sanctoribus est. A conjecturis jam ad experientia convertere. Quot morbis, quàm inter se diversis atque discrepantibus Kina-Kina cum succellu preferibitur! Est id Medicamenti, quod quàm præ se fert odore vel sapore efficaciam eam reipsâ longè superet; quodque sensum opinione multò pateat latius ulteriusque pertineat. Quod si, exhibitò Peruviano cortice, Medicorum votis responderet eventus, in propemodum infinitis aggritudinum speciebus, quàm magis in hysterici affectibus, qui jure quodam suo Kinam-Kinam sibi vindicant & videntur quodammodo efflagitare.



CAUSIS, pendent morbi; à morbis symptomata; utraque cum remediis confer, quibus medendi scopum attingi posse suspicaberis. Hæc arte nec specificum Pharmacum suo, ut vulgus putat, morbo semper indulgebis, nec ad alios morbos non aliquando traduces. Hujus census esse Kinam-Kinam persuadent Medicinæ sanioris arbitri, qui corticem hunc, quemadmodum à nonnullis Febribus interdum amovenit, sic hysterici affectibus adinovere non dubitant, & faustis ominibus imperant exhiberi. Nam in ventriculum illapsa humoris gastrici tum acorem emendat, tum spissitudinem dividit atque dissolvit; & hoc quidem, salino volatili; illud verò porosarum terrestriumque partium suarum ope præstat. Quin & visceris nobilissimi vires aut amissas revocat, aut jacentes erigit aut ferocientes temperat & in ordinem reducit. Virtutem hæc subodorare salino-sulphuream, quæ ventriculi fibris nunc oscillationem reddit suam, nunc alicuam contrario motu destruit. Hinc felicior alimentorum coctio, hinc purior, hinc fluidior chylus, cujus vitio fovebatur hysterica passio, cujus fomite ardebat magis in dies, cujus demum adminiculo radices altius egerat, & in remotissimis corporis partibus penitus infederat. Jam verò Kina-Kina sanguinis ingressa vias, quos non compescit tumultus? Quæ bella non componit? Quos utilitatis fructus ubique non disperitur? Omnigenos incidit attenuatque succos, unde pravorum evolutio & ad excernendum facilitas; cæterorum ad movendum dispositio proficiscitur. Nec vasorum interim flaminibus non eam indit oscillationem, quæ sanguini æquabiliter circumagendo maxime sit accommoda. An non igitur in nervos ex emendatâ sanguinis featurigine, quidpiam redundabit boni? Imo nervos Kina-Kina mulcet, non irritat; recreat, non læcescit; firmat, non pungit, & à præternaturalibus ad naturales ordinatosque motus non cogendo, sed alliciendo desleat. Necessum igitur est evanescere passionis hysterice symptomata, quorum multò maxima pars nervorum spasum, sive convulsionem, evidenter arguit. Observatum est non paucos hystericarum mulierum paroxysmos ab ingesto Peruviano cortice ad plures sæpe menses, quin & annos, quasi consopitos jussisse; nonnumquam etiam debellatos victosque cessasse. Ex his autem non existimet quisquam Kinam-Kinam nobis nostram tantum haberi, ut ab affectibus hystericiis alia quoque eaque præstantissima pharmaca procul arceri velimus atque exulare. Imo Kinæ-Kinæ non præscribimus usum nisi aut prægressis aut ferè semper stupantibus aliis medicamentis, quorum delectus & administratio Medici judicio committantur. Præmittantur semper venæ sectiones, sed monemus raro auspicandas esse à sapientiâ, præsertim in obestoribus; Apagæ ergo, qui clamitant non nisi Febribus prodesse Kinam-Kinam, quæ diversissimis in morbis sic gratificatur humano generi, ut Peruvia de nobis plus, communicato cortice, quàm auro suo, merita esse videatur.

Ergo Kina-Kina hystericiis.

Domini Doctores disputaturi.

M. Jacobus - Antonius  
Millet, Actus Preses.

M. Nicolaus le Tellier.

M. Joannes Nicolaus de la  
Hire, Regiæ Scientiarum  
Academiæ Socius.

M. Michæel Peaget, utrinque  
Pharmacie Professor.

M. Petrus Afforty.

M. Antonius Geoffroy.

M. Joan. Bapt. Faustus  
Alliès de Mussey.

M. Claudius Antonius Renard.

M. Joannes-Franciscus Contier,  
Chirurgiæ Gallicæ Professor.

Proponebat Parisiis JOACHIMUS-JOANNES  
COSTAR, Parisinus, Baccalaureus Medicus,  
A. R. S. H. 1726. à sextâ ad meridiem.